


文殊師利根本一字陀羅尼經
曼殊室利咒藏中一字咒王經
十二佛名神咒經
稱讚如來功德神咒經

百六十六

効三

48440



元祿九年丙子二月日重修

皇圖聖圖 帝階級昌

佛日增輝 懋輪常轉

山城州天安寺法金剛院置



四經同考

文殊師利根本一字陀羅尼經

曼殊室利菩薩呪藏中一字呪王經

十二佛名神呪校量功德除障滅罪經

佛說稱讚如來功德神呪經

大方廣菩薩藏經中文殊師利根本一字陀羅尼法

大唐天后代天竺三藏寶思惟譯

如是我聞一時佛住淨居天寶莊嚴道場中

與大菩薩及淨居諸天衆俱尔時世尊大慈

大悲於此會中普告一切諸天衆言汝等善

聽文殊師利童子行輪呪法為欲守護諸衆

生故一切如來所有極秘密心大神呪王我今

効



當爲汝等開示顯說若有誦者我記此人則
爲已持一切諸呪悉皆圓滿一切所作皆得
成就更無過者汝等應知此陀羅尼於諸呪
中是大呪王有大神力若善男子善女人能受
持者文殊師利童子菩薩常來擁護或於覺
時或於夢中爲現身相及諸善事能令此人
皆大歡喜諸善男子此之呪王尚能攝得文
殊師利童子菩薩況餘菩薩及世出世賢聖
等衆復次善男子此呪能消一切灾障一切
惡夢一切怨敵一切五逆四重十惡罪業一
切惡邪不祥呪法亦能成辦一切善事具大
精進當知是呪於世出世種種呪中爲最殊

勝是諸佛心能令一切所願皆悉滿足若以五色線結呪索繫其項上擁護其身亦令諸願皆得圓滿無超過者即說呪曰

唵齒臨

臨字離
禁反

諸佛子等此呪能滅一切惡邪魘是一切諸佛吉祥之法亦能成就一切神呪誦此

呪者能令衆生起大慈心能令衆生起大悲心一切障礙皆得消滅所有諸願皆得滿足未作法時即能成辦如意等事若發無上大菩提心誦之一遍力能守護自身若誦兩遍力能守護同伴若誦三遍力能守護一宅中人若誦四遍力能守護一城中人若誦五遍

力能守護一國中人若誦六遍力能守護一
天下人若誦七遍力能守護四天下人若以
泔且誦一遍呪水洗面能令見者歡喜呪香
熏衣亦令見者歡喜患齒痛呪齒木嚼之指
齒所痛即瘥若有女人產難之時取阿吒盧
沙迦根或郎伽根呪之七遍以無虫水和磨
之塗於產女齋中兒即易生或諸男子爲箭
所中鏃入筋骨拔之不出以十年酥三兩呪
一百八遍安瘡中及食之箭鏃即出若婦人
五年十年乃至二十三十年不生男女者或
自有病或男子有病或鬼魅所著種種病等
或爲毒藥所中當以十年已上酥五兩孔雀羽

一兩內於酥中呪之二十一遍煎之擣爲末以石蜜一兩大阿梨勒三顆去核取皮相和呪之一百八遍常以清旦空腹盡服於七日中即有男女若患頭痛以烏翅羽呪之七遍拂病人頭患即除愈若瘧病一日二日乃至七日或常患者以純乳煮粥著好酥一兩呪之一百八遍與病人服之即得除愈諸善男子以要言之若欲合和一切湯藥及欲服者先須志心誦之二十一遍速得如願復次善男子若有一切衆生爲飛頭鬼所執以手自摩其面誦呪一百八遍作可畏相貌使以左手作本生印以大母指屈在掌中用後四指押大母指

上急把拳即自努目陰誦此呪而看病者所
患即除若人患一切鬼病以呪呪右手一百八遍
燒安悉香熏之左手作本生印右手摩病人頭
患即除愈若有怨敵及諸惡夢種種怖畏身
心不安以五色線結呪索作蓮花形或作輪形
或作金剛杵形呪之一百八遍燒安悉香熏之
於七日中繫自身項上一切厄難悉皆消散或
以牛黃研爲墨於淨紙上及白練上畫其所
怖者形於四邊作齒臨字圍之或作蓮華或
作輪字或作万字螺魚金剛鈎寶瓶等圍之
呪七遍所怖即除諸善男子若欲經過師子虎
狼毒蛇怨賊一切險難之處當須淨其身心不

得近諸女人及喫五辛一切酒肉於諸衆生
起大悲想志心誦呪九遍而諸怨惡自然退
散假令遇之無不歡喜諸善男子此呪假令
一切衆生於一劫或無量劫乃至名字不可
得聞何況得見專心念誦假令七寶象馬滿
闍浮提猶是世間滅壞之法此陁羅尼呪能
令衆生現世當來常獲安隱與諸如來大菩
薩衆常爲眷屬若爲自身若爲他人所願皆
得是故慇懃生難遇想勿得輕慢起疑惑心

大方廣菩薩藏經中文殊師利根本一字陁羅尼法

曼殊室利菩薩呪藏中一字呪主經 效

唐三藏法師 義淨奉 制譯

尔時釋迦牟尼佛在淨居天上於天衆中踟
跌正念普觀大衆而告之曰汝諸天子當至
心聽曼殊室利童子微妙之行所謂壇場神
呪作法所須療病護身第一祕密最上呪心
一切如來所共宣說咸皆稱歎是大呪王若
有善男子善女人能誦此呪者則爲受持一
切神呪汝諸天衆此大呪王無能違者假使
曼殊室利童子菩薩摩訶薩此呪亦能隨心
自在引攝將來令使現前爲作衆事況復諸
餘菩薩世出世間所有神呪一切障礙悉皆

除遣有大勇猛有大威力神驗第一諸呪中
上一字中尊此之一字悉能成就一切事業
悉能圓滿所有善法常在一切世出世間呪
術之上不可毀壞是一切佛心悉能滿足所
有求願汝諸天衆咸皆一心聽此不可思議
具大威力最上神呪即說呪曰

乃 覺

唵 吐 洛 吽

此有四字
揔成一字
是故梵漢
二體俱存

汝等天衆此是一切秘密中勝一字呪王一
切有情無敢違者一切鬼神不敢親近一切
諸佛爲吉祥事一切呪中最能成立隨意所
爲一切世間作大尊勝於求財者有大自在
能令富盛諸瞋恚中此令慈善於諸含識悲

愍爲性有違逆者皆悉順從要而言之凡有
所爲悉皆成就縱不作法入壇場等直念誦
持手觸彼時即便隨意呪衣著時人皆愛樂
見者歡喜若呪齒木用揩齒時齒疼即瘥若
患眼時取先施婆鹽研之爲糝呪七遍已少
置眼中其痛便止若患耳者取象馬糞聚上
地菌并巨勝油先施婆鹽各取少許呪之七
遍一處研使碎絞取汁煖之滴耳孔中其痛
便止若有女人將產之時被胎所惱腹中結
痛不能疾出取阿吒留灑根或牛膝根取無
蟲水磨擣令碎呪之七遍塗在齋下即能易
出若人被射箭鏃入身不能出者可取陳酥

呪一百八遍令彼飲之其鏃便出若患宿食
不消腹中結痛上變下瀉霍亂畏死者可取
烏鹽或先陀婆鹽或諸雜鹽類呪之七遍研
碎暖水令服便瘥或復苦痢不能斷者取橘
柚根及楨櫨根磨搗呪之七遍和水服之即
瘥若是石女無產生法欲求男女者應取阿
說健陀根以酥熟煎搗之令碎和黃牛乳呪
二十五遍待彼女人身淨之時令飲其藥妻
莫犯他男夫莫犯他女未久之間即便有娠
或復女人斷緒無子經三五年或復多年或
被他禁呪或由禳禱或因諸病或他所惱或
遭毒藥遇此惡緣遂無子息者應取少許孔

雀尾安陳酥中煎之數沸研令相得投少石
蜜量如棗許呪二十七遍服之令盡於後七
日中日常以石蜜和乳每呪七遍飲之女
身清淨諸病皆瘥即便有娠若有女人月水
不息應以阿藍部根或以藍根一握擣之和
乳熟煎呪一百八遍服之即瘥若患頭痛者
應以烏羽呪之七遍掃拂病處即便永瘥若
人患瘧或一日二日三日四日發者或常熱
病或暫時熱病應以乳粥和酥呪一百八遍
食之即瘥若人被他人穢魅蟲毒所中應作返
緣心呪自己面一百八遍觀彼病人所患便
瘥若人被邪鬼羯吒布單那等諸鬼所著或

小兒諸病但是一切非人所爲共相惱者應
呪自手一百八遍摩病人頭即衆病皆瘥

若人被蛇蠍所蜇或狂狗所傷以氣急吹瘡
上呪之七七遍即瘥若有人患癩病瘦病者
應洗浴潔淨於閑靜處常誦此呪悉皆除愈
凡誦呪之人常須遠離惡人不淨臭穢之處

不近酒肉五辛一心受持無不驗者若有一
日常誦一遍能護自身若誦二遍能護同伴
若誦三遍能護一家若誦四遍能護一村若
誦五遍能護一城若誦百遍能護一國若誦
千遍能護四天下以要言之略述如是療病
護身隨時利益若更有餘所爲之事皆隨意

作無不成就亦時諸天大眾聞佛說此一字
呪王經已歡喜奉行若復有人志求解脫希
大利益現望果證者當
可志心依呪藏中作
大呪法廣說如經

佛說曼殊室利菩薩呪藏中一字呪王經

佛說十二佛名神呪校量功德除障滅罪經

隋三藏法師闍那崛多譯

我闍那崛多

敬禮常住體

徧滿於法界

毗盧遮那佛

如是我聞一時婆伽婆住王舍城耆闍崛山中與大比丘衆千二百五十人俱復有菩薩

大衆一万二千人俱阿逸多菩薩爲首尔時
世尊告弥勒菩薩言弥勒東方去此佛刹有
十不可說諸佛刹億百千微塵等過諸佛刹
有二佛土名曰解脫主世界彼世界內有一
佛名曰虚空功德清淨微塵等目端正功德
相光明華波頭摩瑠璃光寶體香最上香供
養訖種種莊嚴頂髻無量無邊日月光明願
力莊嚴變化莊嚴法界出生無障礙王如來
阿羅訶三藐三佛隨見在隨心欲行逍遙在
處說法若善男子善女人犯四重五逆誹謗
三寶及犯四波羅夷是人罪重假使如閻浮
履地變爲微塵一一微塵成於一劫是人

若干劫罪稱是一佛名号禮一拜者悉得滅
除况復晝夜受持讀誦憶念不忘者是人功
德不可思議而彼佛世界中有菩薩名無比
無障礙王如來授彼菩薩記當得成佛号毫
相日月光明華寶蓮華堅如金剛身毗盧遮
那無障礙眼圓滿十方放光照一切佛刹相
王如來阿羅訶三藐三佛陀善逝世間解無
上士調御丈夫天人師佛世尊
彼東方復有佛名曰一切莊嚴無垢光如來
阿羅訶三藐三佛陀亦應當稱彼佛名亦修
恭敬亦須稱其名号亦須心念彼佛名号
南方有佛名曰辯才瓔珞思念如來阿羅訶

三藐三佛陀亦應當稱彼佛名亦修恭敬亦
須稱其名号亦須心念彼佛名号

西方有佛名曰無垢月相王名稱如來阿羅
訶三藐三佛陀亦應當稱彼佛名亦修恭敬
亦須稱其名号亦須心念彼佛名号

北方有佛名曰華莊嚴作光明如來阿羅訶
三藐三佛陀亦應當稱彼佛名亦修恭敬亦
須稱其名号亦須心念彼佛名号

東南方有佛名曰作燈明如來阿羅訶三藐
三佛陀亦應當稱彼佛名亦修恭敬亦須稱
其名号亦須心念彼佛名号

西南方有佛名曰寶上相名稱如來阿羅訶
三藐三佛陀亦應當稱彼佛名亦修恭敬亦

須稱其名号亦須心念彼佛名号

三藐三佛陀亦應當稱彼佛名亦修恭敬亦
須稱其名号亦須心念彼佛名号

西北方有佛名曰無畏觀如來阿羅訶三藐
三佛陀亦應當稱彼佛名亦修恭敬亦須稱
其名号亦須心念彼佛名号

東北方有佛名曰無畏無怯毛孔不豎名稱

如來阿羅訶三藐三佛陀亦應當稱彼佛名
亦修恭敬亦須稱其名号亦須心念彼佛名号
下方有佛名曰師子奮迅根如來阿羅訶三
藐三佛陀亦應當稱彼佛名亦修恭敬亦須
稱其名号亦須心念彼佛名号
上方有佛名曰金光威王相似如來阿羅訶

三藐三佛陀亦應當稱彼佛名亦修恭敬亦須稱其名号亦須心念彼佛名号

尔時佛告弥勒若有正信善男子正信善女人稱此十二諸佛名号之時經於十日當修懺悔一切諸罪一切衆生所有功德皆隨喜勸請一切諸佛久住於世以諸善根迴向法界是時即得滅一切諸罪得淨一切業障即得具足成就莊嚴一切佛土成就具足無畏復得具足莊嚴身相復得具足菩薩眷屬圍遶復得具足無量陀羅尼復得具足無量三昧復得具足如意佛刹莊嚴亦得具足無量善知識速得成就如上所說不增不減在於煩

惱中行阿耨多羅三藐三菩提而得端正可
喜果報亦得財寶充足常生大姓豪族種姓
之家身相具足亦得善和眷屬圍遶尔時世
尊重宣此義而說偈言

若有善男子

若善女人等

受持此佛名

生生世世中

得他人愛敬

光明威力大

生處為人尊

於後得成佛

佛復告彌勒若有善男子善女人若當受持

此佛名者亦須誦此陀羅尼呪

多經他

阿企

摩企

三漫多目企

燥帝育羯帝

尼陸帝

尼陸帝鉢脾

三摩余祇

質多毗拔帝

阿企十
摩企十一
摩陁祢十二

毗拔帝十三
三漫多求祢十四
薩底耶羅彌十五

育王帝十六
鉢育帝十七
醯利彌利摩私隸十八

阿南迷十九
遮迷二十
頰質智二十一

未質智二十二
步支二十三
阿羅醯二十四

婆休眇二十五
遮愈伽羅醯二十六
醯摩婆帝二十七

殊帝摩帝二十八
達摩真帝二十九
周多朋枳三十

阿毗差脾三十一
阿羅陁婆義彌三十二

娑捷陁毗拔帝三十三
那摩薩婆三十四

佛陀菩提薩多脾毗耶三十五
悉田妬漫帶波池三十六

佛陁提瑟帝多三十七

尔時世尊說是呪已重說偈言

受持此呪者

得值六十億

現在十方佛

常憶念是人

一切受生處

常遇善知識

心欲所須者

一切皆吉祥

誦此陀羅尼

常生諸佛前

微妙蓮華上

化生不受胎

正念正行意

增長智慧等

一聞悉摠持

所聞不忘失

受持此呪者

獲得如是福

誦此佛名者

彼人所生處

遠離諸惡道

速得生善處

得陀羅尼定

最妙最勝處

受持不忘失

乃至於菩提

皆由諸佛名

及以陀羅尼

若人施七寶

滿千万億刹

受持此佛名

福報過於彼

行於菩提行

恒常識宿命

遠離諸衆難

即得自在處

常生有佛刹

值佛聞正法

得於信行心

得是信心已

常即供養佛

值佛聞法已

心生大歡喜

得見諸佛國

持妙供養具

供養於諸佛

受持佛名者

千万諸億劫

捨離生死罪

速成於佛道

若人能志心

七日誦佛名

得於清淨眼

能見無量佛

能持此佛名

即得無量福

是人所生處

天人常恭敬

若人持佛名

千万億劫中

不被他毀辱

一切世界中

名聞悉流布

若人持佛名

千万億劫中

天人常供養

無有毀之者

速得成佛道

若人持佛名

不生怯弱心

智慧無諂曲

常在諸佛前

若人持佛名

彼人所生處

天龍諸夜叉

乾闥緊那羅

修羅迦樓羅

及摩睺羅伽

人與非人等

常供養是人

若人持佛名

世世所生處

常生富貴家

丈夫相具足

無有慳妬心

猛健好布施

身體諸毛孔

常出諸妙香

口中諸齒間

復出氤氳香

天赤栴檀香

及諸餘香氣

千万億劫中

常香無斷絕

世世所生處

其聲如梵天

亦如迦陵頻

命命等諸鳥

持法王名者

其福亦如是

若人持佛名

七寶華中生

其華千億葉

威光相具足

若人持佛名

父母諸眷屬

和顏無諍訟

永不生別離

若有諸女人 受持此經者 捨離女人形
轉生智男身 得男子身已 即成於菩提
轉無上法輪 隨意入涅槃 若人持佛名
刀杖不能害 水火不焚漂 縣官不能殺
若人持佛名 衆魔及波旬 行住坐卧處
不能得其便 若人持佛名 世世所生處
身通遊虛空 能至無邊刹 面覩於諸佛
能聞甚深義 彼等無量佛 即知其心意
爲說微妙法 授彼菩提記 得聞授記已
心生大歡喜 即於諸佛教 決定無有疑
彼諸佛世尊 所說甚深法 其人聞法已
受持永不失 於後得成就 六度及諸地

無畏諸力等

衆相及諸好

佛刹及衆生

任意隨所取

生於彼刹中

速能成正覺

轉無上法輪

隨意入涅槃

若有善男子

及善女人等

受持此經者

如上說功德

若持此經者

謹慎莫放逸

聞如前福業

若滿於一劫

若減於一劫

常須勤讀誦

不生懈怠心

我勅有如是

此等諸佛者

常住功德藏

虛空雲中王

常住於彼處

若人聞佛名

一劫減一劫

聞已生敬心

彼是最健人

亦是大智慧

亦是人中最

亦是健丈夫

於世大名聞

是故我今言

彌勒當聽我

有大智慧人

巧解方便者

常勤不放逸
後趣菩提道

恒近善知識

得聞此經典

佛說此經已 彌勒菩薩摩訶薩及諸菩薩衆
大比丘衆天龍夜叉乾闥婆阿修羅迦樓羅緊
那羅摩睺羅伽人非人等聞佛所說歡喜奉行

佛說十二佛名神呪校量功德除障滅罪經

佛說稱讚如來功德神呪經

効

唐三藏法師

義淨奉制譯

如是我聞一時薄伽梵在王舍城鷲峯山頂
與大苾芻衆千二百五十人俱菩薩摩訶薩

萬二千人俱皆是賢劫大菩薩衆。爾時世尊於此衆中告慈氏菩薩摩訶薩曰：「今現在十方諸佛如來勝妙吉祥名号。若有善男子善女人於此如來名号憶念受持一心恭敬。所有業障報障破戒重罪悉皆除滅。勝妙善根真實功德勸請隨喜迴向發願一切功德永

不退轉菩提之心。我今欲說汝應諦聽。

南無東方無垢光如來

南無東南方衆辦莊嚴如來

南無南方無垢月幢旗王如來

南無西南方光焰莊嚴如來

南無西方寶勝如來

南無西北方俱摩羅光如來

南無北方無畏無垢稱如來

南無東北方離怖畏悚懼有大名稱如來

南無上方師子奮迅意如來

南無下方金花光如來

今時世尊復告慈氏菩薩東方此過十不可

說百千億數微塵佛土有佛世界名妙真珠

彼國有佛号曰虚空功德目淨無垢光德相

蓮花焰琉璃色寶體香上妙供養以衆妙彩

而爲嚴飾頂上肉髻妙相無邊日月光明願

力莊嚴變化莊嚴廣大莊嚴法界高勝無染

寶王正遍知如來授一無比菩薩記彼佛滅

度次當成佛号曰
毫相殊勝猶如初日燈光月焰波頭摩花身
色如金滿虛空界光明廣大無礙莊嚴圓光
十方普照一切無不明了幢相旗王正遍知
如來佛言慈氏當知若有善男子善女人能
於此諸佛名受持禮拜專心恭敬於十日中
自說罪咎復以勸請隨喜迴向發願勝妙善
根所有業障報障破戒重罪悉皆消滅雖處
生死未免流轉而不退失求菩提心所生之
處族姓尊貴遠離貧窮邊地下賤六根圓滿
衆人愛敬端正無比常值善友不遇惡人諸
有願求悉皆隨意財寶榮位無不遂心命終

之後生諸佛國先作如是禮懺事已至心讀
誦此陀羅尼即說呪曰

但姪他

惡契莫契

三曼多目契

騷鞞欲帝

陀泥三摩瑜祇

質多鞞跋多

惡契目契

薩多陀泥

毗吠帝

三曼多窶泥

去薩多曷羅謎

目帝鉢唎目底

呬嚩密麗

牟薩麗

阿三謎

談謎

阿至麗

末至麗

菩提曷囉膩

薄呼掬

摩愈揭唎呬

辛底謗計

醯摩伐底

樹底伐底

達摩震帝

阿躡敵箠

曷囉敵敵箠

塞建陀

毗薄帝

莎訶

尔時世尊復說頌曰

六十億大仙 皆受持此呪

彼常念不散

見在十方住 於所在生中

常值善知識

所有希望者 應念皆隨意

現前見諸佛

而在蓮花座 常持此呪者

具相而化生

念定皆安隱 智慧日增明

所聞能受持

諸句義不忘 若持諸佛名

是世歸依處

不墮於惡趣 常生善道中

此人由佛力

常得殊勝處 乃至證菩提

妙行常修習

佛土多千億 黃金滿持施

若人持佛名

福聚多於彼 斯人合供養

隨其所在生

恒生富貴家 勇健施無悞

一切諸香氣

天赤栴檀香 經多百億劫

常從其口生

若人舍宅中 寫佛名供養

眷屬常安隱

天赤栴檀香 經多百億劫 常從其口生

若人舍宅中 寫佛名供養 眷屬常安隱

無諸惱亂事 若人常誦持 長壽并無病

恒逢於善友 臨終不亂心 如來功德聚

福量難思議 智人應誦持 當勤莫放逸

尔時薄伽梵為慈氏菩薩并諸大眾說是經

根本四等經

十四

已慈氏菩薩等及諸苾芻人天大眾聞佛所

說皆大歡喜頂受奉行

佛說稱讚如來功德經 効

文殊師利根本一字陀羅尼經

慈敵 上音寃 下 延線 嚼 咀 慈約 反 措 口皆反 磨也 齋

中 壯上 音齊 中 鏃 木上去聲 下子 筋 音斤 脈 顛 反苦果

核 下革反 翅 施智反

曼殊室利呪藏中一字呪王經

房 上梵本 唵 字下梵書只一本吐洛吐昌吉 唎 虛

絞 古巧 滂 音滴 橘 似上均蜜反 厚 味酸也 緒 音序 棗 音果 握 音昇 檳 音 檀 音

上莫經反似梨味酸側 娠 音身一音也 緒 音序 棗 音果 握 音昇

於 角 蜚 音毒也

十二佛名神呪經

道遙 上音 奮迅 上方問反 疾 一振也 企 音止

尔又立 燥 蘇老 祢 乃礼 醜 呼 矰 琴帝 頰 於

眇 尺之 氲 上符分反 氣 於

稱讚如來功德神呪經

旗 音 咀 丁達 騫 上蘇力反 窶 渠主 掬 尺

躡

反毗

益

歆

反丘

奇

筭

又必窳

反

